



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-1-40-302-2/25**

Datum: **08.07.2025. godine**

«Agencija za vodno područje rijeke Save» Sarajevo rješavajući po zahtjevu JP „Elektroprivreda BiH d.d.“ Sarajevo, Podružnica „Elektro distribucija“ Sarajevo, za izdavanje prethodne vodne saglasnosti za izgradnju transformatorske stanice STS 10(20)/0,4kV „Lihovci“, sa priključkom 10(20) (kV) vodovima i niskonaponskim 0,4(kV) kablovskim izlazima, općina Hadžići, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

### RJEŠENJE

1. Odbija se zahtjev Investitora, JP „Elektroprivreda BiH d.d.“ Sarajevo, Podružnica „Elektro distribucija“ Sarajevo, za izdavanje prethodne vodne saglasnosti za izgradnju transformatorske stanice STS 10(20)/0,4kV „Lihovci“, sa priključkom 10(20) (kV) vodovima i niskonaponskim 0,4(kV) kablovskim izlazima, općina Hadžići, na zemljištu označenom kao k.č.2080 K.O. Pazarić do stubnog mjesta SM-16 na parceli kč. Br. 2075 K.O. Pazarić, ukupne dužine od cca 61 m., s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa i obaveze pribavljanja saglasnosti od nadležnog organa za vodotoke II kategorije obzirom da je predmetna aktivnost planirana uz vodotok – potok Kradenik, a sve u skladu sa važećim zakonskim propisima, odlukama, uredbama i dr.

### Obrazloženje

JP „Elektroprivreda BiH d.d.“ Sarajevo, Podružnica „Elektro distribucija“ Sarajevo, obratilo se ovoj Agenciji sa zahtjevom broj 03-52-1-26512-1/2025 od 27.06.2025. godine za izdavanje prethodne vodne saglasnosti za izgradnju transformatorske stanice STS 10(20)/0,4kV „Lihovci“, sa priključkom 10(20) (kV) vodovima i niskonaponskim 0,4(kV) kablovskim izlazima, općina Hadžići.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Aktuelni izvod iz sudskog registra broj: 65-0-RegZ-25-003811 od 25.03.2025. godine izdat od strane Općinskog suda u Sarajevu-ovjerena kopija,
- Notarski ovjerena kopija uvjerenja o poreznoj registraciji, Porezna uprava – Kantonalni ured Sarajevo, od 01.04.2005. godine;
- Kopija zemljišnoknjižnog izvodka broj: 124148/24 izdat 04.11.2024. od strane Općinskog suda u Sarajevu-ovjerena kopija;
- Ovjerena kopija zemljišnoknjižnog izvodka broj: 124149/24 izdat 04.11.2024. od strane Općinskog suda u Sarajevu;
- Ovjerena kopija katastarskog plana broj: 05-26-2-13369/2024-6 od 01.01.2024. godine, izdat od Službe za geodetske i imovinsko - pravne poslove, geodetske poslove i katastar nekretnina, Općina Hadžići;
- Nacrt br.1 – situacija terena – izgradnja transformatorske stanice STS 10(20)/0,4kV „Lihovci“,
- Rješenje broj: 07-19-1-3521/2023 od 09.08.2024 godine izdato od strane Službe za prostorno uređenje, urbanizam i građenje, Općina Hadžići,
- Rješenje broj: 07-19-1-3521/2023 od 15.10.2024 godine izdato od strane Službe za prostorno uređenje, urbanizam i građenje, Općina Hadžići,

- Rješenje broj: 07-19-1-1763/2025 od 10.06.2025 godine izdato od strane Službe za prostorno uređenje, urbanizam i građenje, Općina Hadžići,
- Studija za pribavljanje prethodne vodne saglasnosti za izgradnju transformatorske stanice STS 10(20)/0,4kV „Lihovci“, sa priključkom 10(20) (kV) vodovima i niskonaponskim 0,4(kV) kablovskim izlazima, općina Hadžići urađena od strane „HYDRO CONTROL“ doo Sarajevo, juni 2024. godine;
- Dokaz o uplaćenju upravnoj i administrativnoj taksi;

Na osnovu uvida u dostavljenu dokumentaciju i Studiju utvrđeno je sljedeće:

- Planirani objekat transformatorske stanice STS 10(20)/0,4kV „Lihovci“, sa priključkom 10(20) (kV) vodovima i niskonaponskim 0,4(kV) kablovskim izlazima, općina Hadžići, nalazi se dijelom trase kablova uz vodotok Kradenik.
- Planirani objekat prema dostavljenoj Studiji (trafostanica sa priključnim srednjenaponskim vodom 10(20) kV) locirani su izvan bilo kakvih izvorišta i zaštitnih zona izvorišta vode za piće;
- U procesu prenosa električne energije nema produkcije tehnoloških otpadnih voda, a ulje za hlađenje transformatora je smješteno u hermetički zatvoren sistem;
- U studiji je takođe navedeno da se predmetne parcele označene kao k.č. br. 2075 K.O. Pazarić i 2080 K.O. Pazarić, na kojoj je planirana izgradnja trafostanice, ne nalazi se u poplavnom području.
- Priključni kabal se polaže samo jednim dijelom podzemno, tačnije od nove STS Lihovci na parceli k.č. br. 2080 K.O. Pazarić, do stubnog mjesta SM-1 na parceli k.č. br. 2075 Pazarić, ukupne dužine 61 m. Ostatak kablova su nadzemni vodovi.

Ukoliko tokom planiranih aktivnosti dođe do promjene tehničkog rješenja koje se bi za posljedicu imalo eventualnu produkciju tehnoloških otpadnih voda i način njihovog ispuštanja, korisnik objekta dužan je da podnese zahtjev za izdavanje vodnih akata nadležnom organu.

Kao posljedica predmetne aktivnosti ne nastaju tehnološke otpadne vode kao rezultat tehnološkog postupka u skladu sa navedenim, a prema članu 139. stav (1) Zakona o vodama konstatovano je da ova Agencija po važećim propisima nema uslova za pokretanje upravnog postupka, te je shodno članu 200. stav (1) Zakona o upravnom postupku riješeno kao u dispozitivu ovog zaključka.

#### **Uputa o pravnom lijeku:**

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmedić Behija dipl.inž.tehn.

Po ovlaštenju  
Rukovodilac sektora za izdavanje  
vodnih akata

  
Nihad Pezo, dipl.inž.građ.

Dostaviti:

- JP „Elektroprivreda BiH d.d.“ Sarajevo, Podružnica „Elektrodistribucija“ Sarajevo – Zmaja od Bosne 49, Sarajevo
- ⊗ AVP Sava – ISV Vodna knjiga
- Org.jed. 40 – Arhiva
- AVP Sava – Oglasna ploča